

spitz S. wie zuvor / vnd zuruck durch das Rohr F G.
auff die Erden sehet / daselbst hin last euch ein Zei-
chen W. machen / vnd merck den Grad / so des
Perpendiculs k. spitzlein berührt / welches der 31.
Grad ist / von dem mittel der halbrunden Scheu-
ben / nach der linken Hand gezehlt.

Nun müßt ihr das Instrument sampt dem stab
P. nach dem die Gelegenheit des orts / wie obgehört
beschaffen / wil setzen ich kan besser hinter sich als
für sich kommen / vngesehr bey X. nidersetzen / vnd
durch das Rohr F. G. abermals übersich auff des
Baums spitz S. sehen / nachmals also vnverruckt
das Rohr stehen lassen / vnd wider zu ruck durch
gemeltes Rohr F. G. auff die Erden gesehen / das
selbe auffsehen mit N. bezeichnet / vnd gleichfalls
gemerck / auff welchen Grad des Perpendiculs
k. spitzlein stehe / ich befinde es berühre $14\frac{1}{2}$ Grad /
von der halbrunden Scheuben mittel nach der lin-
cken Hand / last dann / weil man nicht zu dem
Thurn / sondern nur auff der Erden von dem ers-
ten gemerck W. hinte sich / bis zu dem andern
gemerck N. messen / welches 8. Ruthen vnd 7.
Schuh ist.

Figure N° 6.

Wann diß verrichtet / so reist gleichfalls auff
Dii ein